

〔續日本後紀仁明〕天長十年三月乙巳，天皇御紫宸殿，皇太子貞始朝，觀拜舞昇殿。中于時皇太子春秋九齡矣，而其容儀禮數如老成人。

〔文德實錄一〕嘉祥三年四月己酉，大宰帥三品葛井親王薨，親王桓武天皇第十二子也，母大納言贈正

二位坂上大宿禰田村麻呂之女，從四位下春子也，親王幼而機警，年六歲勅賜帶劍。中嘗嗟峨天皇

御豐樂院，以觀射禮，畢後勅諸親王及群臣，各以次射，親王時年十二，天皇戲語親王曰：弟雖少，弱當執

弓矢，親王應詔而起，再發再中，時外祖父田村麻呂亦侍坐，驚動喜躍，不能自已，即便起座抱親王而舞，

進曰：臣嘗將數十萬之衆，征討東夷，實賴天威，所向無敵，自料勇略，兵術无所不究，今親王年在齠齔，武

伎如此，愚臣非所能及，天皇大咲曰：將軍褒揚外孫，何甚過多。略

〔文德實錄九〕天安元年十一月戊戌，右京大夫兼加賀守正四位下藤原朝臣衛卒衛贈左大臣從一位

內麻呂第十之子也，二歲喪母，比及五歲，問母氏卽世之早晚，哀慕感人，大臣甚奇之，立爲嫡嗣，七歲遊

學，十八奉文章生試及科，時人方之漢朝賈誼。略

〔管家文章詩〕月夜見梅華，齊衡三年乙亥，于時十一歲，殿君是善令，田進士島田忠臣試之，子始言詩，故載篇首。

月輝如晴雪，梅華似照星，可憐金鏡轉，庭上玉房馨。  
臘月獨興，天安二年，于時十有四。

玄冬律迫，正堪嗟，還喜向春不敢，欲盡寒光休幾日，將來暖氣宿誰家，冰封水面聞無浪，雪點林頭見

有花，可恨未知勤學業，書齋窻下過年華。

〔三代實錄清和〕貞觀八年三月廿三日己亥，天皇御射庭。中伶官奏樂，玄髻稚齒十二人遞出而舞，

〔三代實錄清和〕貞觀八年九月廿二日甲子，是日大納言伴宿禰善男。中坐燒應天門，當斬詔降，死一

等並處之遠流。中善男是國道之第五子也，生而爽俊，天資魁偉，見之者皆曰：黠兒。

〔三代實錄清和〕貞觀十二年二月十九日辛丑，參議從三位春澄朝臣善繩薨。中祖財鷹爲員辨郡少